

UNIVERZITET
„PRIVREDNA AKADEMIJA”
BRČKO DISTRIKT
BOSNA I HERCEGOVINA



PRAVILNIK O STANDARDIMA OCJENJIVANJA STUDENATA

Univerziteta „Privredna akademija”
Brčko distrikt BiH

Brčko, septembar 2023. godine

Na osnovu člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18 i 16/20), člana 21. stav 1. tačka e) Statuta Univerziteta “Privredna akademija” Brčko distrikt BiH, broj: 1-31/21 od 01.03.2021. godine, Senat Univerziteta “Privredna akademija” Brčko distrikt BiH, na svojoj redovnoj sjednici održanoj 20.9.2023. godine, donosi:

PRAVILNIK O STANDARDIMA OCENJIVANJA STUDENATA

Član 1.

Ovim Pravilnikom se reguliše način vrednovanja rada studenata, način ocjenjivanja, te uloga i obaveze nastavnika u toku pripreme ispita.

Član 2.

- (1) Uspješnost studenta u savlađivanju pojedinog predmeta kontinuirano se prati tokom nastave i izražava poenima, a ocjene se utvrđuju na ispitu.
- (2) Ispunjavanjem predispitnih obaveza i polaganjem završnog ispita student može ostvariti najviše 100 poena, pri čemu predispitne obaveze učestvuju sa najmanje 30, a najviše 70 poena.
- (3) Studijskim programom se utvrđuje srazmjera poena iz stava 2. ovog člana.
- (4) Predispitne obaveze iz stava 2. ovog Člana utvrđene su studijskim programom, silabusom predmeta i aktima Univerziteta.

Član 3.

- (1) Konačna (ukupna) ocjena studenta na predmetu sastoji se od:
 - a) ocjene rada studenta tokom nastave (predispitne obaveze),
 - b) ocjene znanja studenta pokazanog na završnom ispitu.
- (2) Nastavnik ocjenjuju rad studenta tokom nastavnih aktivnosti i to okviru:
 - a) aktivnost u toku predavanja,
 - b) praktična nastava,
 - c) kolokvijum,
 - d) seminar,
 - e) druge obaveze.
- (3) U okviru završnog ispita:
 - a) pismeni ispit,
 - b) usmeni ispit,
 - c) druge obaveze.
- (4) Predispitne obaveze i savladavanje gradiva može se obaviti jednom ili više puta u toku nastave, na različite načine.
- (5) Izbor metode ispitivanja zavisi od predmeta i oblasti kojoj pripada (testovi, seminari, eseji, debate, pismeni ispit, usmeni ispit).

Član 4.

- (1) Znanje studenata na završnom ispitu provjerava se na jedan od sljedećih načina: usmeni ispit, test, pisani ispit, esej; ili kombinacijom ovih načina polaganja ispita.
- (2) Usmeni ispit je oblik ispita u kome student usmenim putem odgovara na unapred zadati broj pitanja (uobičajeno 3 pitanja).
- (3) Test je oblik ispita u kome student u kratkoj, pisanoj formi odgovara na određeni broj pitanja ili rješava određeni broj zadataka.
- (4) Prije ispita studenti se moraju obavjestiti o broju pitanja, vrsti pitanja (otvorena, zatvorena i sl.).
- (5) Pisani ispit je oblik ispita u kome student, u pisanoj formi, daje odgovore na nekoliko pitanja (zadataka).
- (6) Nastavnik mora unaprijed odrediti broj pitanja (uobičajeno 3) i materiju iz koje se pitanja postavljaju.
- (7) Esej je oblik ispita u kome student, u dužoj pisanoj formi, odgovara na jedno ili dva pitanja.
- (8) Nastavnik mora unapred odrediti materiju koja će biti predmet eseja, obim eseja, kriterijume za ocjenjivanje i da o tome obavjesti studente u planu rada na predmetu.

Član 5.

- (1) Konačna ocjena na predmetu određuje se na osnovu ukupnog broja poena koje je student ostvario tokom nastave i na završnom ispitu.
- (2) Maksimalan broj ostvarenih poena je 100 pa se ocjena studenta utvrđuje na sljedeći način:
 - a) 10 ili A, izuzetan uspjeh bez grešaka ili sa neznatnim greškama, nosi 95-100 bodova;
 - b) 9 ili B, iznad prosjeka, sa ponekom greškom, nosi 85-94 boda;
 - c) 8 ili C, prosječan, s primjetnim greškama, nosi 75-84 boda;
 - d) 7 ili D, općenito dobar, ali sa značajnijim nedostacima, nosi 65-74 boda;
 - e) 6 ili E, zadovoljava minimalne kriterije, nosi 55-64 boda;
 - f) 5 ili F, FX, ne zadovoljava minimalne kriterije, manje od 55 bodova.
- (3) Ocjena 5 nije prelazna i ne upisuje se u indeks

Član 6.

- (1) Nastavnik je dužan da se, prilikom ocjenjivanja studenata, pridržava sljedećih standarda:
 - a) ocjenjivanje mora biti objektivno i nepristrasno, bez bilo kakve diskriminacije,
 - b) nastavnik se pridržava jasnih i unapred poznatih kriterijuma ocjenjivanja koji su sadržani u planu rada na predmetu,
 - c) nastavnik ima iste kriterijume u svim ispitnim rokovima
 - d) provjere znanja studenata tokom nastave kao i na završnom ispitu realizuju se u unaprijed određenim terminima, prezentovanim u planu rada na predmetu.

Član 7.

Ovaj Pravilnik stupa na snagu danom donošenja, a stupanjem na snagu istog prestaju da važe svi drugi opšti pravni akti koji regulišu pitanja propisana ovim pravilnikom. Ovaj pravilnik objaviće se na oglasnoj tabli i internet stranici Univerziteta.

PREDSJEDAVAJUĆI SENATA
REKTOR

Broj: 38-31/23

Datum: 20.9.2023. godine